

Una storia di terreni

Enunciatu

U caccaru di Carlu hà 3 terreni tutti fatti à quatratu, chì e so caratteristiche sò queste :

Terrenu 1 : una lenza di superficia 1 èttaru in tagliu di strada nant' à a cumuna di San Ghjulianu.

Terrenu 2 : un terrenu di superficia 850 m² nant' à a cumuna di Canale di Verde, duv' ella si trova a so casa chì a so lunghezza hè para à quella di u terrenu.

Terrenu 3 : un terrenu in tagliu di mare di 12,25 dam² di superficia, ch'ellu hà accunciatu chì i so figliulini ci possinu ghjucà.

Cù quellu terrenu hà u so da fà, chì ci vole à intrattene lu. Postu ch'ellu u innacqua à spessu, li tocca à passà regulare a tundosa. A larghezza di tagliu di quella tundosa hè di 40 cm.

1. Chì lunghezza di strada occupa u terrenu 1 ? U risultatu si derà in metru.
2. Chì ghjè a lunghezza di a casa di u caccaru di Carlu ? U risultatu si derà à u metru più o menu. Issu numeru si puderà sprime in forma decimale ?
3. a. Chì ghjè a lunghezza di u terrenu 3 ? U risultatu si derà in decàmetru po in metru. Issu numeru si puderà sprime in forma decimale ?
b. À u caccaru quantu passà di tundosa li tuccherà à fà da tonde sanu u terrenu ?
4. Da ringrazià u so caccaru, ch'ellu li avessi accunciatu u terrenu 3, Carlu è u fratellu anu decisu di rigalà li una tundosa autupurtata. Cù quella tundosa u travagliu vene più sfaticatu, postu chì a so larghezza di tagliu face 1,25 m.

Quantu passà di menu hà da fà u caccaru di Carlu cù a tundosa nova ?

5. Nant' à u manuale di a tundosa vechja, u caccaru di Carlu pò leghje st' infurmazione :

Tempu di tagliu pè un terrenu fattu à quatratu di 100 m² di superficia, cù una vitezza di 3 chm/o : circa 5 min.

Chì ne pensate di st' infurmazione ?

Asirciziu d' intruduzione

Ogettivi pedagogichi

Capacità messe in ballu : ricaccià è urganizà l' infurmazione chì abbisognanu à a resoluzione di i prublema ; cunverte unità.

Cumpetenze messe in ballu : cercà ; cumunicà ; rapresentà ; ragjunà ; calculà.

Lessicu

Caccaru = babbone = missiavu

Accunciatu : arrangé, amménagé.

In tagliu di... : au bord de...

Lenza : parcelle, terrain en terrasse.

Avè u so da fà : avoir fort à faire.

Sfaticatu : facile, aisé.